

Član 15.  
(Izmjena člana 119.)

Član 119. mijenja se i glasi:

"Član 119.

- (Obaveze ministra u donošenju i usklađivanju ostalih propisa i akata)
- (1) Ministar će, u roku od 12 mjeseci od dana stupanja na snagu ovog zakona donijeti bliže propise o:
    - a) nastavnim planovima i programima (član 24. ovog zakona);
    - b) postupku utvrđivanja uvjeta, o sadržaju i načinu vođenja Registra (član 16. ovog zakona);
    - c) pedagoškoj dokumentaciji i evidenciji (čl. 39. i 47. ovog zakona);
    - d) eksperimentalnim i alternativnim programima (član 28. ovog zakona);
    - e) vannastavnim i vanškolskim aktivnostima (član 29. ovog zakona);
    - f) nostrifikaciji i ekvivalenciji svjedodžbi (član 32. ovog zakona);
    - g) udžbenicima i nastavnim sredstvima (član 37. ovog zakona);
    - h) kućnom redu i etičkom kodeksu (član 38. ovog zakona);
    - i) polaganju eksterne mature, vanjskom vrednovanju i samovrednovanju (čl. 24. i 51. ovog zakona);
    - j) sistemu uspostave, osiguranja i upravljanja kvalitetom (član 53. ovog zakona);
    - k) nadarenim učenicima (član 60. ovog zakona);
    - l) načinu i obliku provođenja odgojno-obrazovne podrške i stručnog tretmana (član 61. ovog zakona);
    - m) neprihvatljivim oblicima ponašanja i zaštiti učenika;
    - n) načinu postupanja svih učesnika odgojno-obrazovnog procesa (član 63. ovog zakona);
    - o) posebnim nastavnim planovima i programima za školovanje učenika s teškoćama (član 66. ovog zakona);
    - p) osnovnoškolskom i srednjoškolskom obrazovanju učenika sa teškoćama u razvoju u redovnim školama (član 69. ovog zakona);
    - r) praćenju, vrednovanju i ocjenjivanju učenika sa teškoćama (član 70. ovog zakona);
    - s) dodjeli pohvala, priznanja i nagrada za učenike (član 80. ovog zakona);
    - t) polaganju stručnog ispita (član 90. ovog zakona);
    - u) o stručnom usavršavanju (član 91. ovog zakona);
    - v) o stručnom ispitu sekretara škole (član 101. ovog zakona) i
    - z) nadzoru nad zakonitošću rada i stručnom nadzoru (član 111. ovog zakona).
  - (2) Ministar će, u roku od 12 mjeseci od dana stupanja na snagu ovog zakona, sa njegovim odredbama uskladiti sve akte iz svoje nadležnosti.
  - (3) Ministar će u roku od 90 dana od dana stupanja na snagu donijeti pravilnik o izostancima učenika.
  - (4) Ministar će, u roku od 60 dana od dana stupanja na snagu ovog zakona donijeti metodologiju realizacije nastave u online okruženju i po kombinovanom modelu sa smjernicama za njihovu realizaciju.
  - (5) Do donošenja novih nastavnih planova i programa koristit će se postojeći nastavni planovi i programi.
  - (6) S ciljem efikasnijeg upravljanja budžetskim sredstvima i javnim prihodima, Ministarstvo u ime osnivača može za sve ili više škole provoditi javne nabavke."

Član 16.

(Dopune člana 121.)

- (1) U članu 121. iza stava (1) dodaju se novi st. (2) i (3) koji glase:
- "(2) U osnovnoj školi radni odnos mogu zasnovati i lica koja su završila prvi ciklus bolonjskog visokoobrazovnog procesa do kraja 2020./2021. školske godine. Ova lica su obavezna završiti II ciklus bolonjskog visokoobrazovnog procesa u roku od četiri godine od stupanja na snagu ovog zakona.
- (3) U osnovnoj školi radni odnos mogu zasnovati i lica koja su stekla VI stepen stručne spreme, po predbolonjskom sistemu studiranja. Ova lica su obavezna doškolovati se, u roku od tri godine, od dana donošenja programa doškolovanja."
- (2) Dosadašnji st. (2), (3), (4), (5) i (6) postaju st. (4), (5), (6), (7) i (8).

Član 17.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-30587/21  
09. augusta 2021. godine  
Sarajevo

Predsjedavajući  
Skupštine Kantona Sarajevo  
**Elvedin Okerić**, s. r.

Na osnovu člana 12. tačka b) i člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96-Ispravka, 3/96 - Ispravka, 16/97, 14/00, 14/01, 28/04, 6/13 i 31/17), Skupština Kantona Sarajevo, na 40. Radnoj sjednici održanoj dana 09.08.2021. godine, donijela je

**ZAKON**

**O IZMJENAMA I DOPUNAMA ZAKONA O SREDNJEM OBRAZOVANJU**

Član 1.

(Izmjena člana 7.)

U Zakonu o srednjem obrazovanju ("Službene novine Kantona Sarajevo", broj 23/17 i 30/19) u članu 7. stav (5) riječi: "obrazovanje, nauku i mlade" zamjenjuju se riječima: "odgoj i obrazovanje".

Član 2.

(Dopuna člana 33.)

U članu 33. iza dodaje se novi stav (2) koji glasi:

"(2) Nastavnik uživa samostalnost u pedagoškom radu i realizaciji nastavnih sadržaja u skladu sa ovim zakonom."

Član 3.

(Izmjene člana 39.)

Član 39. mijenja se i glasi:

"(Školska godina)

- (1) Školska godina traje od 1. septembra tekuće kalendarske godine do 31. augusta naredne kalendarske godine. Školska godina počinje i završava intoniranjem državne himne i podizanjem zastave Bosne i Hercegovine.
- (2) Nastavna godina ostvaruje se po polugodištima i traje najmanje 35 radnih sedmica, a najviše 37 radnih sedmica, s tim da se programski sadržaji realiziraju u okviru najmanje 33 radne sedmice, a najviše 35 radnih sedmica.
- (3) Nastavna godina u završnom razredu srednje škole ostvaruje se u obimu manjem od pet sedmica u odnosu na obim propisan stavom (2) ovog člana.
- (4) Razlika u broju radnih i nastavnih sedmica koristi se za realiziranje posebnih programskih sadržaja, drugih oblika odgojno-obrazovnog rada, obilježavanje državnih i vjerskih praznika, kulturnih i sportskih aktivnosti srednje

- škole, planiranih godišnjim programom rada i kalendarom u odjeljenoj knjizi.
- (5) Ako srednja škola, u okviru nastavnih dana iz st. (2), (3) i (4) ovog člana ne realizira nastavni plan i program u obimu od najmanje 90% nastavlja sa radom dok isti ne realizira u tom obimu.
- (6) Za svaku školsku godinu ministar donosi nastavni kalendar kojim se planira školska godina u skladu sa st. (2), (3) i (4) ovog člana. Nastavni kalendar donosi se najkasnije dva mjeseca prije početka školske godine. Svako odstupanje od kalendara na zahtjev škole ili iz drugih opravdanih razloga odobrava ministar.
- (7) Ukoliko je osnivač škole vjerska zajednica, odnosno crkva, nastavni kalendar za svaku školsku godinu donosi osnivač uz saglasnost Ministarstva."
- Član 4.  
(Izmjene člana 41.)
- (1) U članu 41. stav (2) mijenja se i glasi:  
"(2) U toku nastavne godine koja se odvija u redovnom nastavnom procesu u školi, škola je dužna u godišnjem programu rada planirati četiri sedmice online nastave, po dvije u svakom polugodištu, u skladu sa utvrđenim rasporedom časova i satnicom za redovnu nastavu."
- (2) Stav (4) se briše.
- Član 5.  
(Dopuna člana 43.)
- U članu 43. u stavu (2) iza riječi: "institucijama" dodaje se riječ: "do".
- Član 6.  
(Izmjena člana 44.)
- U članu 44. stav (2) mijenja se i glasi:  
"(2) Na prijedlog ministra Vlada može utvrditi, zavisno od klimatskih ili drugih uvjeta pomjeranje početka nastave u prvom ili drugom polugodištu, obavezu realiziranja nastave po kombinovanom modelu ili u online okruženju, s tim da se u toku školske godine ostvari minimalno 90% od fonda nastavnih časova predviđenih nastavnim planom i programom."
- Član 7.  
(Dopune člana 45.)
- (1) U članu 45. u stavu (1) iza riječi: "časova" dodaju se riječi: "ili da se nastava realizira u online okruženju."
- (2) U stavu (2) iza riječi: "časova" dodaju se riječi: "ili donijeti odluku da se nastava realizira u online okruženju, a najduže do dvije sedmice."
- Član 8.  
(Izmjena člana 46.)
- Član 46. mijenja se i glasi:  
"(Realizacija godišnjeg fonda časova)
- (1) Srednja škola je obavezna da, u toku školske godine, realizira minimalno 90% godišnjeg fonda nastavnih časova predviđenih nastavnim planom i programom.
- (2) Ako se utvrdi da škola nije ostvarila godišnji fond nastavnih časova iz stava (1) ovog člana i realizirala nastavni plan i program u minimalnom obimu od 90% produžiti će nastavu dok se isti ne ostvari."
- Član 9.  
(Izmjene člana 47.)
- (1) U članu 47. iza stava (2) dodaje se novi stav (3) koji glasi:  
"(3) Ako zbog izuzetnih okolnosti dođe do izmjene 40 časovne radne sedmice iz člana 136. stav (1) ovog zakona nije potrebno provoditi proceduru izmjene godišnjeg programa rada škole."
- (2) Dosadašnji st. (3), (4), (5), (6) i (7) postaju st. (4), (5), (6), (7) i (8).
- Član 10.  
(Izmjene člana 49.)
- (1) U članu 49. iza stava (2) dodaje se novi stav (3) koji glasi:  
"(3) Vannastavne aktivnosti se realiziraju u školi ili drugom okruženju, uključujući i online okruženje, prema planu i mogućnostima."
- (2) Dosadašnji st. (3) i (4) postaju st. (4) i (5).
- Član 11.  
(Dopuna člana 53.)
- U članu 53. dodaje se novi stav (2) koji glasi:  
"(2) Prilikom realizacije nastave u online okruženju mogu se koristiti digitalni i drugi sadržaji, koji se pripremaju u skladu sa kriterijima za evaluaciju digitalnih i drugih obrazovnih sadržaja, a koje donosi ministar."
- Član 12.  
(Izmjena člana 72.)
- U članu 72. stav (4) mijenja se i glasi:  
"(4) Učenik može steći izuzetan status paralelno upisujući i neko drugo zanimanje u istoj ili drugoj srednjoj školi, te steći drugo zanimanje na način da dio ili ukupnu nastavu pohađa redovno, odnosno da položi razliku predmeta u odnosu na nastavni plan i program po kojem se redovno obrazuje."
- Član 13.  
(Izmjena člana 122.)
- U članu 122. stav (3) riječi: "rukovodilac računovodstva", zamjenjuju se riječima: "saradnik za finansijske i računovodstvene poslove".
- Član 14.  
(Izmjena člana 138.)
- U članu 138. u stavu (2) brišu se riječi: "putem Prosvjetno-pedagoškog zavoda".
- Član 15.  
(Izmjena člana 140.)
- U članu 140. stav (2) mijenja se i glasi:  
"(2) Stručni nadzor nad radom srednje škole vrši Ministarstvo putem Instituta za razvoj preduniverzitetskog obrazovanja, a izvještaj o izvršenom nadzoru dostavlja Ministarstvu, u roku od 15 dana od dana izvršenog nadzora."
- Član 16.  
(Izmjena člana 143.)
- U članu 143. stav (4) tačka e) mijenja se i glasi:  
"e) u vanrednim situacijama kada je direktor spriječen da obavlja dužnost, imenuje nastavnika ili stručnog saradnika koji ispunjava uvjete za direktora koji će, pored svojih poslova, obavljati i poslove i radne zadatke direktora, sve dok traje ta spriječenost, a najduže 60 dana;"
- Član 17.  
(Izmjena člana 146.)
- U članu 146. u stavu (7) riječi: "prvog mandata" zamjenjuju se riječima: "drugog uzastopnog mandata".
- Član 18.  
(Izmjena člana 147.)
- U članu 147. stav (3) tačka e) mijenja se i glasi:  
"e) utvrđuje raspored radnog vremena u skladu sa zakonom, pedagoškim standardima i normativima i kolektivnim ugovorima,"
- Član 19.  
(Izmjene člana 178.)
- (1) U članu 178. iza stava (5) dodaje se novi stav (6) koji glasi:  
"(6) Ministar će u roku od 60 dana od dana stupanja na snagu ovog zakona donijeti metodologiju realizacije

- nastave po kombinovanom modelu i u online okruženju sa smjernicama za njihovu realizaciju."
- (2) Dosadašnji st. (6) i (7) se brišu.

Član 20.  
(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-30586/21 Predsjedavajući  
09. augusta 2021. godine Skupštine Kantona Sarajevo  
Sarajevo **Elvedin Okerić, s. r.**

Na osnovu čl. 12. tačka b) i 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka 16/97, 14/00, 4/01, 28/04, 6/13 i 31/17), člana 37. Zakona o osnovnom odgoju i obrazovanju ("Službene novine Kantona Sarajevo", br. 23/17, 33/17, 30/19 i 34/20) i člana 53. Zakona o srednjem obrazovanju ("Službene novine Kantona Sarajevo", br. 23/17 i 30/19), Skupština Kantona Sarajevo, na 40. Radnoj sjednici održanoj dana 09.08.2021. godine, donijela je

### ZAKON O IZMJENAMA ZAKONA O UDŽBENICIMA U KANTONU SARAJEVO

Član 1.  
(Izmjena člana 10.)

- (1) U Zakonu o udžbenicima u Kantonu Sarajevo ("Službene novine Kantona Sarajevo", br. 31/19 i 34/20) u članu 10. stav (1) brišu se riječi: "(Prosvjetno-pedagoški zavod)".

- (2) Stav (6) mijenja se i glasi:  
"(6) Autor udžbenika ne može biti uposlenik Agencije za predškolsko, osnovno i srednje obrazovanje i Ministarstva."

Član 2.  
(Izmjena člana 36.)

U članu 36. riječi: "od šest mjeseci do godinu dana", zamjenjuju se riječima: "od tri godine".

Član 3.  
(Izmjene člana 37.)

- (1) U članu 37. stav (1) riječi: "120 dana" zamjenjuju se riječima: "jedne godine".  
(2) U stavu (2) riječi: "60 dana", zamjenjuju se riječima: "120 dana".

Član 4.  
(Izmjena člana 39.)

U članu 39. brojevi: "2021/2022.", zamjenjuju se brojevima: "2025/2026".

Član 5.  
(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-30585/21 Predsjedavajući  
09. augusta 2021. godine Skupštine Kantona Sarajevo  
Sarajevo **Elvedin Okerić, s. r.**

Na osnovu člana 18. stav (1) tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04 i 31/17), člana 15. stav (3) Zakona o pravobranilaštvu ("Službene novine Kantona Sarajevo", broj 33/08 - Novi prečišćeni tekst, 7/12 i 44/16) i člana 119. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13, 47/15 i 47/16, 9/20 i 14/20), Skupština Kantona Sarajevo, na 40. Radnoj sjednici održanoj 09.08.2021. godine, donijela je

### ODLUKU O DAVANJU SAGLASNOSTI NA NACRT UGOVORA O KUPOPRODAJI NEKRETNINE NASTALE NADZIDIVANJEM POSTOJEĆEG STAMBENOG OBJEKTA U ULICI HUSEINA ĐOZE BROJ 238E, OPĆINA ILIDŽA

Član 1.

Daje se saglasnost Fondu Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, na nacrt ugovora o kupoprodaji nekretnine nastale nadzidivanjem postojećeg stambenog objekta u ulici Huseina Đoze broj 238E, Općina Ilidža, koje će Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, kao Investitor/Prodavač, zaključiti sa kupcima nekretnine, kako slijedi:

1. Nacrt Ugovora o kupoprodaji-stan broj 6, ulica Huseina Đoze ulaz broj 238E, sprat-potkrovlje, površine 60,50 m<sup>2</sup>, nastao nadzidivanjem stambenog objekta kolektivnog stanovanja sagrađenog na zemljištu označenom kao k.č. br. 1880/3, 1849/27, 1849/57, 1880/21, 205/23, 205/12, 205/38, 205/43 K.O. Gornji Butmir (zk. stanje) koji će se zaključiti sa kupcem Fazlić Ismetom iz Sarajeva (obrađen kod izabrane i ovlaštene notarke Zdravke Bago iz Sarajeva).

Član 2.

Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe, na osnovu ove Odluke može potpisati Ugovore iz člana 1. ove Odluke sa navedenim kupcem nekretnine-stana.

Član 3.

Ova Odluka stupa na snagu sa danom donošenja, a objavit će se u "Službenim novinama Kantona Sarajevo".

Broj 01-04-30584/21 Predsjedavajući  
09. augusta 2021. godine Skupštine Kantona Sarajevo  
Sarajevo **Elvedin Okerić, s. r.**

### Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 126. tačka b), a u vezi sa članom 23. stav (3) Zakona o policijskim službenicima Kantona Sarajevo ("Službene novine Kantona Sarajevo", broj 38/18, 26/19 i 39/20), Vlada Kantona Sarajevo, na 36. sjednici održanoj 12.08.2021. godine, donijela je

### UREDBU O IZMJENAMA I DOPUNI UREDBE O SMJEŠTAJU, ČUVANJU I POSTUPANJU SA PRIVREMENO ODUZETIM PREDMETIMA OD STRANE POLICIJSKIH SLUŽBENIKA UPRAVE POLICIJE MINISTARSTVA UNUTRAŠNJIH POSLOVA KANTONA SARAJEVO

Član 1.  
(Izmjena člana 5.)

U Uredbi o smještaju, čuvanju i postupanju sa privremeno oduzetim predmetima od strane policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", broj 42/19) u članu 5. stav (3) riječi: "mjesto gdje su privremeni oduzeti predmeti pohranjeni;" zamjenjuju se riječima: "mjesto gdje su privremeno oduzeti predmeti pohranjeni;"

Član 2.  
(Izmjena člana 6.)

U članu 6. stav (1) riječi: "vrsta oduzetih predmeta;" zamjenjuju se riječima: "vrsta privremeno oduzetih predmeta;"